



2

KAMPUNTIN
TURA NUNKA
YAPÁJNIAMU



JINTINKIÁRTAMU

Ministerio del Ambiente, Agua y Transición Ecológica
Ministerio de Agricultura y Ganadería



República
del Ecuador



Juntos
lo logramos

Jú papí aárma iniákmawai Programa Integral Amazónico de Conservación de Bosques y Producción Sostenible PROAmazonía, juka Ministerio del Ambiente, Agua y Transición Ecológica (MAATE) tura Ministerio de Agricultura y Ganadería (MAG) eémtikiamujai, aítkiasan, Programa de las Naciones Unidas para el Desarrollo (PNUD) yaimkiamu tura GEF y GCF kuit apújsamujai.

Jú yaimkiáru: Componente REDD+ y Financiamiento - PROAmazonía y Subsecretaría de Cambio Climático del Ministerio del Ambiente, Agua y Transición Ecológica (MAATE)

Aárma nérentin © PNUD 2020
Jú aármanka chikich nérenniuti

Najánamu: Tunkiniam - Ekuaturnum

PNUD tsankameawai, yakesh takamtsuk tura tesankesh iístaj taunka, turasha nú iyamunam kuitjiai turatniunka tsankameatsui, nú iyamunam yá aruit nuna aáru naári titiniati.

Jú papí enentainkia, PNUD nii aárcha ása warinkish akuish ninkia ankant juwawai.

Menaint áarma iniákmamu

Tesár tura nakumak najaná: LAINCRE S.A.

Jú aárma pachintiakur iturá titiniati:

Ministerio del Ambiente, Agua y Transición Ecológica (MAATE), Ministerio de Agricultura y Ganadería, Programa de las Naciones Unidas para el Desarrollo. 2021. Guía de Capacitación REDD+. Programa Integral Amazónico de Conservación de Bosques y Producción Sostenible (PROAmazonía). Ecuador.



**Kampunniúnam
pujájí, kampúnniuka íi
pujutaintí, kampunniuka
ántranka áchaiti.**

Kampuniúnmanka iwiákainia nukap matsámtainti, aínsan yajásmasha tura tsuatnum mash irúnin matsámtainti. Kampunniuka íi jeaíti, nuinkia éntsa, númi, yurank, kuntsú, tsúak nupa tura íi wakaní kakaram waintiai írunui.

Núnisan, kampúnniuka, Carbono - kayushik mayai (C) numí kankajín, nuken, kankapen tura nunká mukuná takuwiti, júka numi mamúniak nújainchuka aéseam nasénam wuwiti.



Kampunniuka chíkich iwiakma aíntsankete, tuma ása nunka yapájniakui yajauch wainniuti, esatramunam esák. Aítkiasan, kampunniuka, tsawant yapajniamunam jutikia yaimniuti: **kanus entsa pénker muchitmamtikiak, núnisan esat tsawantin yutumtikiak. Tuma, íi kampuniuri nukap ájam íi pujámuri tura yajá nunkasha itiurchat waintianti.**

Kampunniuka númi chíkich hectárea tepaku tura nú chíkich numisha írunu tamaiti, uwej nekapak yakirinkia awiti tura menaintíu uwej nekapak nuke yutuaku átiniati.

Kampunniuka íi pujutaintí, ashí iwiakma, nuyá ashí numi iruntainti. Turak, kayushik mayai utuwai takakui, aítkiasan, entsa muchitma pénker amajui tura mayainiash pénker sukartawai.

Kampunniuka pénker mayai mayátkatniun amawiti. Núnisan yurumatniun, tsuamatai tura ashí nú írunú iniakmakur kuit wainkiatniun amawiti.

Kampuntin yapájniakuinkia, jimiará íirka tsawant yapájniamu waintianti, júniakui:


- Entsa yapájniakui

- Carbono - Kayushik mayai yapájniakui

KAMPUNTIN TURA EN TSA YAPÁJNIAMU


Kampunniuka entsa yapájniak kuyuawain, nújainchuka amáreak nunkán yumpuárain tusa yaimniuti.

Íi írutkamuri éntsa kuyuá tura tíi amárea yamaikikia waíntsuji, turasha jú nekátiniutji:



Numí nuké, kankapé tura ajinkíari entsa nukap mukaná ujuíniati, turak mikíntran nuyá nunkán pénker awájniuti. Turak kampunniuka entsán nukap mukuna takuwiti; júnis:

Esat tsawantinkia, kampunniuka entsa mukuna takakma, ishichik ishichik akupniuti nunka kukach ajasain tusa.



Yumí tsawantinkia, kampunniuka yutamu mukunniuti, yutamu nakak weak, amáreak tura metsanrak nunka emésmakain tusa.

Amuákur taji, kampuntín eémeskurkia, ashí iwiákma írunusha emenkartatji, turakur itiurchat wainkiattaji.




¿KAMPUNTÍN TURA KAYUSHIK MAYAI, ITIURÁ JIMIÁRAK TAKAKMA?

Carbono - Kayushik mayai (C), nunká, numí kankapén, nukén tura ajinkiarin, núnisan ashí iwiáku aíniamunam pujúwiti. Tumak, carbono - kayushik mayaikia, kampuntin tepakmanum áwiti.

Kampuntín ájam, aéseam tura mamuak, carbono - kayushik mayai (C) numí kankapé tura ajinkí irunu, yakí waka mayaijiai (O₂) pachíniar tséas mayai najánawai (CO₂).

Carbono - Kayushik mayai kampuniunam achiakma métekchaiti. Juka tíj kampunkamunmanka tura uúnt numi íruneamunmanka tíj Carbono - kayushik mayai áwiti.



Tséas mayai (CO₂) nasenam itiurá achikiar ikiuamuit



Tséas mayai (CO₂) nasenam itiurá ajapeamuit.



¿KAMPUNNIÚRAM TÍJ NUMÍ TAKAKKUNKA, KAYUSHIK MAYAI TÍJ IRUR TÁKAKUA NÚ NEKAMEK?

Kampuntín takaschamunmanka núkap iwiákma awiti, numi, yajásma tura entsa jíj irunui, tura nú kampuntin emeseachmaka Carbono - kayushik mayai (C) nukap pujaku takústatji.

Kampuntín takasma tura takaschamujai apatka iisam, kampuntín takasmanumka ishíchik númi irunui, tuma ása ishichik kayushik mayai takakui.

Kampuntín takasmaka ishíchik numi takakui, tumak nuinkia ishichik yajasmá pujuiniawai, aínsan nunkásha majat tura entsásha amuki wewaiti.




Nunká arakmamunam 45 toneladas kayushik mayai takakui, turasha nú nukap achiaku aminiaiti warík tsakau arak arám. Arákmamush yajauchichuiti, wárik nerén araákmeka. Tuma asamtai, pachimra arákmaktiniuti, nekaska, wárik tsakau aínia nú numi.



Lí araákmamu pénger áminiaiti, írutkamush pachínma ákui, aénts, ní akíniamu uwirí jeákui nunka arakmachminnium nuwí arákmainiak.




Saák núkap takasmaánnumka, númi atsá asantai Carbono - kayushik maiyaikia ishíchik áwiti, núnis asántai nunká araákmadniuri nupanti ishíchik awiti.



Kampuntín takáschamuka tura kampuntin yáma tsakaniaka nunká yapájniamunam itíurchatri ishíchik awájniuti. Juka Carbono - kayushik mayai (C) pachinkiamujai, júnis yaímniuti:



Ií kampunniúri wainiakur, numi tsupíachkur tura emésmachkur kayushik mayai nukap takaku átai tamaiti.



Kampuntín waínkiur, númi arákmakur carbono - kayushik mayaiisha kawenku takaku átai tamaiti.

EÉMKIR WEAKUR, JÚ CHICHAM NEKATAI:

Kampuntín ájamu: Kampuntín ajárar ekesmákmaka nisha írka ajasúka, nuinkia arákmaktin tura waaká napampártin nunka najájaru tamaiti.

Kampuntín émeseamu: kampuntin emeskamka kuntin menkaín, núnisán Carbono - kayushik mayai achiakma menkaint tutainti.

Atsamunam númi arákmamu: yaúnchu kampuntín atsunum númi araákmamu tutainti.

Awaínkir arákmamu: kampuntín ajárar amukmánnum, ataksha awaínkir númi arákmaktin tamaiti.

Ataksha kampuntín nájaneamu: júka kampuntín ajarma núkap tsawant pujús atáksha kampunmantikiamu, aents tura chinki yaimkiamujai tamaiti.

Carbono - Kayushik mayai mukúnma: kampunniunam númi uúnt írunu carbono - kayushik mayai mukuná ikuiamu tamaiti. Tumak, númi tsakaíniak Carbono -kayushik mayai tíi nukap takustatui.

Carbono - Kayushik mayai enetkar takustin: júka, kampuntin níi kakarmarijiai Carbono - kayushik mayai mukuná kampunniunam ikuiamu tamaiti, yakí nasénam wáka emesmakain tusar.

Anújtai:

Anújtai:



Nunka yapájniamu uchich papi aujtaikia, tarimiat aents matsatkainia jintiatin tamaiti, júka nunka yapajnia, kampuntin, kampuntin ajákchatin tura emésmakchatin nékamuri nú nukap jintiatai tusar.

Jú unuimiat Ekuaturnum jintiamuka eémkatai tamaiti, kampuntin wainiakur tura emésmatsuk arákmakur



Ambiente_Ec
AgriculturaEcuador
Pnud Ecuador
PROAmazoniaEC



Ambiente_Ec
AgriculturaEcuador
Pnud Ecuador
PROAmazoniaEC

Ministerio del Ambiente, Agua y Transición Ecológica
Ministerio de Agricultura y Ganadería



República
del Ecuador



Juntos
lo logramos